

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 4 MAC 2009, PUKUL 10.00 PAGI

Bil. 11

PERTANYAAN-PERTANYAAN BAGI JAWAB LISAN

1. PR-1221-L17974
Dato' Shamsul Anuar bin Nasarah [Lenggong] minta **MENTERI PERTANIAN DAN INDUSTRI ASAS TANI** menyatakan perancangan yang dilakukan bagi membantu menyediakan peluang kerjaya dalam bidang pertanian terutama kepada graduan atau belia menganggur dan menjelaskan usaha yang dilakukan Kementerian bagi kegiatan pertanian berskala kecil yang boleh membantu menambahkan pengeluaran pelbagai bahan makanan.
2. PR-1221-L17876
Dr. Lo' Lo' binti Mohamad Ghazali [Titiwangsa] minta **MENTERI SUMBER ASLI DAN ALAM SEKITAR** menyatakan tahap pencemaran sungai di seluruh Malaysia. Sila nyatakan 10 batang sungai yang tercemar teruk dan apakah usaha-usaha merawat dan mencegah pencemaran yang berterusan.
3. PR-1221-L16852
Dato' Lilah bin Yasin [Jempol] minta **PERDANA MENTERI** menyatakan sejauh manakah kejayaan Kerajaan melaksanakan Program Pembangunan Tanah-Tanah Wakaf seluruh negara.
4. PR-1221-L18280
Tuan Sivarasa a/l K. Rasiah [Subang] minta **MENTERI DALAM NEGERI** menyatakan jumlah anggota polis (pakaian seragam dan tidak seragam, dengan mengecualikan polis trafik) yang bertugas meronda berjalan atau dengan motosikal atau kereta ronda di luar balai atau bila-bila masa (at any one time) dalam satu syif kerja, di setiap daerah polis di Selangor, dan peratusannya daripada jumlah anggota keseluruhan di PDRM di Selangor.

5. PR-1221-L16958
Tuan Raime Bin Unggi [Tenom] minta **MENTERI TENAGA, AIR DAN KOMUNIKASI** menyatakan sejauh manakah Kerajaan dapat membendung masalah lanun SMS yang semakin berleluasa termasuklah SMS berantai yang sering dihantar terutama bagi pengguna-pengguna Celcom.
6. PR-1221-L18200
Dato' Kamarul Baharin bin Abbas [Telok Kemang] minta **PERDANA MENTERI** menyatakan :-
 - (a) pelaburan-pelaburan Lembaga Tabung Haji (LTH) di luar negara selain daripada Arab Saudi; dan
 - (b) jumlah keseluruhan pelaburan tersebut.
7. PR-1221-L17145
Tuan Ding Kuong Hiing [Sarikei] minta **MENTERI KEMAJUAN LUAR BANDAR DAN WILAYAH** menyatakan adakah pihak Kementerian bercadang menyediakan tapak dan membina struktur bangunan di setiap kawasan rumah panjang di Sarawak bagi menangani masalah sosial. Nyatakan jumlah rumah panjang yang menerima peruntukan itu dan jumlah peruntukan di bawah RMK-9.
8. PR-1221-L18297
Puan Teo Nie Ching [Serdang] minta **MENTERI KESIHATAN** menyatakan usaha-usaha Kementerian untuk memastikan bahawa 'houseman' mendapat latihan yang mencukupi dan doktor-doktor hospital kerajaan tidak bekerja berterusan melebihi 12 jam.
9. PR-1221-L18256
Datuk Henry Sum Agong [Lawas] minta **MENTERI KEWANGAN** menyatakan bilakah Projek Hidro Elektrik Bakun dijangka siap sepenuhnya dan apakah langkah-langkah keselamatan yang bakal diambil untuk memastikan 'national interest' terjaga dan terjamin.
10. PR-1221-L16760
Puan Siti Zailah binti Mohd. Yusoff [Rantau Panjang] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan pendirian Kerajaan dalam kempen memboikot barangan keluaran Amerika Syarikat dan usaha-usaha yang telah dibuat.
11. PR-1221-L16599
Tuan Aaron Ago Anak Dagang [Kanowit] minta **MENTERI PERUSAHAAN PERLADANGAN DAN KOMODITI** menyatakan apakah strategi atau bantuan Kerajaan untuk menolong pekebun-pekebun kecil di negara ini berikutan penurunan teruk harga komoditi seperti getah, sawit dan lada.

12. PR-1221-L17660
Tuan Mohd Yusmadi bin Mohd Yusoff [Balik Pulau] minta **MENTERI DALAM NEGERI** menyatakan pendirian Kerajaan mengenai keputusan meluluskan hukuman sebat terhadap pendatang asing tanpa izin, terutamanya pendatang tanpa izin dari Indonesia.
13. PR-1221-L16839
Datuk Juslie Bin Ajirol [Libaran] minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan sejauh mana peniaga-peniaga menyokong usaha Kerajaan dalam menurunkan harga barangan runcit sebagai satu tanggungjawab sosial kepada orang ramai.
14. PR-1221-L16753
Tuan Kulasegaran a/l Murugeson [Ipoh Barat] minta **MENTERI PENGAJIAN TINGGI** menyatakan jumlah pelajar yang diambil masuk ke universiti awam mengikut komposisi kaum serta jurusan yang ditawarkan kepada mereka pada sesi pengambilan bulan Januari 2009.
15. PR-1221-L18316
Datuk Lee Chee Leong [Kampar] minta **MENTERI BELIA DAN SUKAN** menyatakan apakah langkah yang diambil oleh Kementerian untuk mengatasi masalah Mat Rempit yang semakin berleluasa di negara ini.
16. PR-1221-L17328
Tuan Manikavasagam a/l Sundaram [Kapar] minta **MENTERI KEWANGAN** menyatakan berapakah jumlah yang diperuntukkan sumbangan Kerajaan Malaysia untuk pembinaan AIMST (Asian Institute of Medical Science and Technology) di mana kedua-duanya dimiliki oleh Malaysian Indian Congress (MIC). Nyatakan juga jumlah peruntukan kepada universiti-universiti milik parti Gerakan serta parti MCA.
17. PR-1221-L16775
Dato' Haji Ismail Bin Haji Mohamed Said [Kuala Krau] minta **MENTERI KEMAJUAN LUAR BANDAR DAN WILAYAH** menyatakan apakah bentuk program dan peruntukan khusus yang disediakan bagi meningkatkan taraf wanita masyarakat Orang Asli di negara ini.
18. PR-1221-L17138
Tuan Haji Che Uda bin Che Nik [Sik] minta **MENTERI PELAJARAN** menyatakan dalam Pilihan Raya Kecil Kuala Terengganu (6-17 Jan) Kerajaan memberi banyak bantuan kepada SJK(C) yang dikatakan daif. Adakah bantuan sama ada di beri kepada SJK(C) yang lebih daif di kawasan lain seluruh negara.

19. PR-1221-L17125
Datuk Haji Mohamed Bin Haji Aziz [Sri Gading] minta **MENTERI PERPADUAN, KEBUDAYAAN, KESENIAN DAN WARISAN** menyatakan adakah diwujudkan jalinan kerjasama di antara Akademi Seni Budaya dan Warisan Kebangsaan (ASWARA) dan mana-mana pihak berkaitan seperti syarikat muzik, filem dan NGO sebagai jaminan atau peluang kerjaya kepada graduan ASWARA.
20. PR-1221-L16895
Datuk Wira Ahmad bin Haji Hamzah [Jasin] minta **PERDANA MENTERI** menyatakan adakah Kerajaan bercadang untuk menyerap pekerja-pekerja berstatus kontrak/semestara/sambilan yang berkelayakan, yang sesetengahnya telah lama berkhidmat di dalam perkhidmatan awam memandangkan krisis kelembapan ekonomi dunia sekarang ini.
21. PR-1221-L18232
Dato' Dr. James Dawos Mamit [Mambong] minta **MENTERI SUMBER MANUSIA** menyatakan bilangan terkini pekerja warga Malaysia dan asing yang telah diberhentikan kerja oleh majikan-majikan masing-masing. Sektor manakah yang paling terjejas dalam keadaan kemelesetan ekonomi global.
22. PR-1221-L17700
Tuan Lim Kit Siang [Ipoh Timur] minta **MENTERI DALAM NEGERI** menyatakan sebab mengapa pihak polis gagal mengawal kadar jenayah yang semakin mendadak lima tahun kebelakangan ini dan apakah tindakan yang telah diambil untuk meyakinkan rakyat Malaysia, para pelancong dan pelabur bahawa negara ini memang selamat.
23. PR-1221-L16928
Tuan William @ Nyallau Anak Badak [Lubok Antu] minta **MENTERI TENAGA, AIR DAN KOMUNIKASI** menyatakan apabila bekalan air paip graviti dibina dengan membuat empangan ulu-ulu sungai, adakah Jabatan Kesihatan memohon atau memaklumkan Kerajaan Negeri tentang kedudukan 'water catchment' untuk mengelakkan ianya di ceroboh.
24. PR-1221-L18344
Puan Fong Po Kuan [Batu Gajah] minta **MENTERI DALAM NEGERI** menyatakan statistik indeks jenayah bagi tahun 2006, 2007 dan 2008 mengikut jumlah kes yang di lapor, telah didakwa dan disabitkan. Nyatakan apakah ada ditetapkan satu sasaran sebagai langkah untuk mencapai pengurangan kadar jenayah.
25. PR-1221-L17166
Datuk Eric Enchin Majimbun [Sepanggar] minta **PERDANA MENTERI** menyatakan bilangan kenaikan penduduk di setiap negeri sejak kemerdekaan hingga sekarang dan bilangan setiap suku kaum pada masa ini di Sabah.

26. PR-1221-L16677
Datuk Chua Soon Bui [Tawau] minta **MENTERI PERUSAHAAN PERLADANGAN DAN KOMODITI** menyatakan :-
- (a) adakah Kementerian bercadang menyemak semula dasarnya supaya perusahaan kelapa sawit di Sabah tidak dibebankan cukai dua kali iaitu 7.5% cukai jualan oleh Kerajaan Negeri Sabah dan CESS oleh Kementerian pula; dan
 - (b) apakah usaha dan tindakan yang diambil oleh Kementerian untuk mengurangkan beban itu, terutama sekali ketika ketidaktentuan ekonomi sekarang.
27. PR-1221-L17256
Datuk Billy Abit Joo [Hulu Rajang] **MENTERI TENAGA, AIR DAN KOMUNIKASI** minta menyatakan apakah rancangan Malaysia untuk menghasilkan sumber tenaga alternatif yang mencukupi bagi menangani masalah kekurangan sumber-sumber tenaga tradisional seperti arang kayu, gas asli dan minyak yang semakin susut.
28. PR-1221-L17411
Puan Nurul Izzah Binti Anwar [Lembah Pantai] minta **MENTERI WILAYAH PERSEKUTUAN** menyatakan adakah Kerajaan akan merombak semula Draf Pelan Tempatan Kuala Lumpur 2020 (KL Draft Plan) memandangkan pelan ini bertentangan dengan Town and Country Planning (Amendment) 2001.
29. PR-1221-L16510
Puan Hajah Nancy binti Haji Shukri [Batang Sadong] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah perancangan Kementerian dalam menyediakan kemudahan tempat tinggal untuk pesara yang memilih untuk tinggal bersama rakan seusia mereka, berasingan dari keluarga dan mempunyai segala kemudahan yang diperlukan.
30. PR-1221-L17445
Tan Sri Dato' Abd. Khalid bin Ibrahim [Bandar Tun Razak] minta **MENTERI SUMBER MANUSIA** menyatakan :-
- (a) berapa ramaikah warga Malaysia yang bakal kehilangan pekerjaan pada tahun 2009 dan apakah sektor atau industri yang paling banyak menerima kesan daripada pemberhentian pekerja; dan
 - (b) apakah langkah-langkah yang dijalankan oleh Kerajaan Pusat untuk menangani masalah pengangguran yang semakin serius.

31. PR-1221-L16718
Dato' Seri Ong Ka Ting [Kulai] minta **MENTERI PERTANIAN DAN INDUSTRI ASAS TANI** menyatakan :-
- (a) status perancangan Pakej Sekuriti Makanan untuk membenarkan pemindahan padi antara negeri dengan berperingkat; dan
 - (b) status dan kebolehan pedagang dan pengeluar padi tempatan untuk menghadapi Perdagangan Bebas ASEAN (FTA) pada 2010.
32. PR-1221-L17236
Tuan Haji Ab Aziz bin Ab Kadir [Ketereh] minta **PERDANA MENTERI** menyatakan berapakah jumlah usaha cari gali minyak dan gas yang telah dilaksanakan berhampiran perairan pantai Kelantan dan apakah keputusannya serta namakan syarikat yang mengusahakannya.
33. PR-1221-L17080
Tuan Alexander Nanta Linggi [Kapit] minta **MENTERI PERTANIAN DAN INDUSTRI ASAS TANI** menyatakan tahap peningkatan keluaran produk makanan (food production) yang telah di kecapai dalam masa lima tahun kebelakangan ini. Sila senaraikan mengikut jenis dan nilai produk makanan yang telah dikeluarkan itu.
34. PR-1221-L17810
Tuan Tan Kok Wai [Cheras] minta **MENTERI DALAM NEGERI** menyatakan bilangan orang bertaraf tiada warganegara (stateless) dalam negara sekarang berikutan ibu bapa mereka yang salah seorangnya adalah warganegara Malaysia, yang telah mendaftarkan perkahwinan mereka selepas kelahiran anak, nyatakan juga mengapa terdapat sebahagian status kanak-kanak ditukarkan kepada bukan warganegara bila mereka memohon MyKad sewaktu mencapai umur 12 tahun dan bilangan mereka sehingga 31.12.2008.
35. PR-1221-L18079
Dato' Paduka Abu Bakar Bin Taib [Langkawi] minta **MENTERI PERTANIAN DAN INDUSTRI ASAS TANI** menyatakan semasa sesi yang lepas YB Menteri telah menyatakan bahawa semua masalah lesen sampan akan diselesaikan pada 31 Januari 2009:-
- (a) berapakah jumlah lesen sampan yang telah diluluskan; dan
 - (b) apakah lagi masalah untuk menyelesaikan masalah lesen ini.

36. PR-1221-L17026
Tuan Gwo-Burne Loh [Kelana Jaya] minta **MENTERI KESIHATAN** menyatakan jumlah doktor negara asing yang berkhidmat di sini yang tidak mempunyai pengiktirafan MMC atau PSD.
37. PR-1221-L16541
Datuk Seri Dr. Fong Chan Onn [Alor Gajah] minta **MENTERI SUMBER MANUSIA** menyatakan apakah mekanisme Kementerian untuk memantau pemberhentian pekerja-pekerja akibat daripada kesan kemelesetan ekonomi dunia supaya pekerja tempatan tidak akan dibuang kerja sebelum pekerja asing. Berapa jumlah pekerja tempatan dan pekerja asing yang diberhentikan kerja dalam suku keempat tahun 2008 mengikut negeri dan sektor.
38. PR-1221-L17501
Dato' Seri Abdul Hadi bin Awang [Marang] minta **PERDANA MENTERI** menyatakan apakah Kerajaan berhasrat melihat Mahkamah Syariah mempunyai status yang sama tinggi dengan Mahkamah Sivil. Sekiranya ya, apakah langkah jangka pendek dan panjang yang diambil oleh Kerajaan untuk memastikan ianya dapat dicapai.
39. PR-1221-L17808
Tuan Matulidi bin Jusoh [Dungun] minta **MENTERI PEMBANGUNAN WANITA, KELUARGA DAN MASYARAKAT** menyatakan berapakah bilangan pusat-pusat latihan kerjaya untuk golongan orang kurang upaya (OKU) sebagai persediaan ke arah penyediaan peluang pekerjaan sama ada sektor awam atau swasta.
40. PR-1221-L18227
Dr. Haji Dzulkefly bin Ahmad [Kuala Selangor] minta **MENTERI PERTANIAN DAN INDUSTRI ASAS TANI** menyatakan :-
- (a) apakah wujud satu pangkalan data berkaitan pekebun-pekebun kecil, penternak haiwan dan ikan, bagi mengenal pasti 'profiling' mereka agar lebih berkesan bagi mengenal pasti kedudukan sosio ekonomi mereka, lantas program-program penambahbaikan mampu disusun untuk mengatasi permasalahan serta pendapatan mereka; dan
 - (b) langkah-langkah konkrit bagi membantu pekebun kecil dan penternak haiwan kecil ini, bagi menghadapi cabaran krisis dan kelembapan ekonomi yang sedang menimpa negara.

41. PR-1221-L16516
Datuk Dr. Marcus Mojigoh [Putatan] minta **MENTERI DALAM NEGERI** menyatakan :-
- (a) berapa ramaikah rakyat asing yang telah mendapat status Penduduk Tetap Malaysia sejak tahun 2000 dan pecahan mengikut negara asal mereka; dan
 - (b) berapa ramaikah antara mereka ini yang menetap di negeri Sabah serta pecahan mengikut negara asal mereka.
42. PR-1221-L16620
Dr. Lee Boon Chye [Gopeng] minta **MENTERI SUMBER MANUSIA** menyatakan bilangan pekerja/pelatih (mengikut kursus) yang menyertai dan tamat skim latihan di bawah urusan Majlis Latihan Vokasional Kebangsaan (MLVK) pada tahun 2004-2008.
43. PR-1221-L18346
Dato' Haji Abd Rahman bin Dahlan [Kota Belud] minta **MENTERI PEMBANGUNAN USAHAWAN DAN KOPERASI** menyatakan apakah rancangan kerajaan untuk meningkatkan sistem pengangkutan awam dengan menerapkan prinsip-prinsip keselamatan dan mesra pengguna agar dapat menarik minat orang ramai menggunakan pengangkutan awam.
44. PR-1221-L17605
Dato' Dr. Zainal Abidin bin Ahmad [Hulu Selangor] minta **MENTERI PENGAJIAN TINGGI** menyatakan pendidikan tinggi masa kini menjadi semakin mahal dengan penambahan kos sara hidup yang semakin meningkat. Adakah Kerajaan bercadang supaya ibu bapa wajib mencarumkan sebahagian dari pendapatan mereka ke dalam tabung pendidikan supaya dapat mengurangkan ketergantungan anak-anak mereka kepada pinjaman PTPTN.
45. PR-1221-L17169
Tuan Haji Ahmad bin Haji Maslan [Pontian] minta **MENTERI PEMBANGUNAN USAHAWAN DAN KOPERASI** menyatakan setakat manakah usaha telah dibuat untuk menambah jumlah premis perniagaan di bandar-bandar besar dan adakah perancangan untuk 4 atau 5 pintu kedai di simpang strategik kawasan kampung akan dilaksanakan sebagai suatu usaha berkesan bagi menambah bilangan usahawan desa di seluruh negara.

46. PR-1221-L16799
Tuan Salahuddin Bin Haji Ayub [Kubang Kerian] minta **MENTERI DALAM NEGERI** menyatakan adakah Aminah Bt. Mohd, nombor kad pengenalan 0459902 dan Mohd Tahir Bin Sutan, nombor kad pengenalan 1287882, masih hidup dan jika telah meninggal dunia, bilakah mereka meninggal dunia dan bilakah pula kad pengenalan baru mereka masing-masing dikeluarkan.
47. PR-1221-L17378
Tuan Khairy Jamaluddin [Rembau] minta **MENTERI PEMBANGUNAN USAHAWAN DAN KOPERASI** menyatakan sama ada Kerajaan bercadang mengambil langkah pro-aktif bagi membantu Industri Kecil dan Sederhana (SMEs) dengan menubuhkan pakej atau skim penyelamatan SMEs (SMEs rescue package) bagi membantu SMEs yang menghadapi masalah ketika kegawatan ekonomi.
48. PR-1221-L17964
Dato' Johari bin Abdul [Sungai Petani] minta **MENTERI PERTAHANAN** menyatakan adakah Kerajaan bercadang untuk melanjutkan Konsep HANRUH dengan menjadikan Program Latihan Khidmat Negara secara wajib kepada semua lelaki rakyat Malaysia yang mencapai had umur 18 tahun. Selepas menjalani latihan selama enam bulan mereka diberi pilihan untuk menyertai angkatan tentera atau pasukan polis selama dua tahun seperti yang diamalkan di Singapura dan Korea.
49. PR-1221-L16871
Datuk Seri Panglima Mojilip bin Bumburing @ Wilfred [Tuaran] minta **PERDANA MENTERI** menyatakan berapa ramaikah peneroka yang telah ditempatkan di ladang FELDA di Umas-umas dan Sahabat di Sabah dan berapakah bilangan peneroka yang telah menerima geran tanah (Land Titles).
50. PR-1221-L16695
Puan Hajah Zuraida binti Kamaruddin [Ampang] minta **MENTERI SAINS, TEKNOLOGI DAN INOVASI** menyatakan apakah insentif yang diberikan oleh Kerajaan bagi memajukan teknologi kenderaan yang lebih mesra alam memandangkan peningkatan suhu global sekarang ini.
51. PR-1221-L16892
Tuan Liang Teck Meng [Simpang Renggam] minta **MENTERI SUMBER MANUSIA** menyatakan usaha-usaha Kerajaan untuk membantu rakyat yang menganggur akibat kemelesetan ekonomi dunia. Apakah tindakan Kerajaan terhadap kilang-kilang yang mengutamakan pekerja asing dari pekerja tempatan.

52. PR-1221-L18086
Tuan Er Teck Hwa [Bakri] minta **MENTERI PELAJARAN** menyatakan jumlah peruntukan yang diberikan kepada SJK(C) dalam tahun 2005, 2006, 2007 dan 2008 dan apakah piawaian yang digunakan untuk proses kelulusan, serta senaraikan struktur hierarki otorisasi dalam proses tersebut. Bagaimana memastikan jumlah peruntukan yang diluluskan sampai ke pihak pengurusan sekolah.
53. PR-1221-L17210
Tuan Haji Nasharudin bin Mat Isa [Bachok] minta **MENTERI PERTAHANAN** menyatakan berapa ramaikah bekas-bekas warga ATM yang mempunyai kepakaran tertentu yang telah dilantik sebagai kontraktor pembekalan dan penyelenggaraan aset ATM.
54. PR-1221-L18271
Tuan Gobalakrishan a/l Nagapan [Padang Serai] minta **PERDANA MENTERI** menyatakan apakah langkah-langkah yang telah diambil oleh Kerajaan dalam mengatasi masalah masyarakat India yang telah menunjukkan perasaan tidak puas hati terhadap pemerintahan Kerajaan yang sedia ada dengan memilih untuk mengundi Pakatan Rakyat sebagai undi protes pada 8 Mac 2008.
55. PR-1221-L17360
Tuan William Leong Jee Keen [Selayang] minta **MENTERI LUAR NEGERI** menyatakan apakah langkah-langkah yang telah diambil oleh Kerajaan selaku ahli Organisation of Islamic Conference (OIC) untuk menyelesaikan masalah antara Israel dengan Palestin.
56. PR-1221-L16985
Dr. Tan Seng Giaw [Kepong] minta **MENTERI WILAYAH PERSEKUTUAN** menyatakan peruntukan dan langkah-langkah termasuk projek-projek untuk memperbaiki pengangkutan awam di Kuala Lumpur. Apakah matlamatnya bagi semua jenis pengangkutan awam.
57. PR-1221-L18171
Puan Chong Eng [Bukit Mertajam] minta **MENTERI KESIHATAN** menyatakan bilangan penduduk yang dijangkiti HIV sehingga tahun ini mengikut pecahan gender dan cara jangkitan. Huraikan trend peningkatan jangkitan di kalangan wanita, khasnya suri rumah tangga dan nyatakan apakah langkah yang paling berkesan untuk mencegah penularan HIV di kalangan wanita.
58. PR-1221-L17109
Tuan Abdullah Sani bin Abdul Hamid [Kuala Langat] minta **MENTERI DALAM NEGERI** menyatakan supaya permit pekerja asing tidak dikeluarkan pada tahun 2009 untuk memberi peluang pekerja tempatan di dalam mengharungi krisis ekonomi global.

59. PR-1221-L17834
Tuan Mohd Firdaus bin Jaafar [Jerai] minta **MENTERI KERJA RAYA** menyatakan bilakah kerja-kerja pembesaran dua jambatan di Bedong akan dimulakan dan berapakah peruntukan Kementerian untuk tujuan tersebut.
60. PR-1221-L17995
Tuan Loke Siew Fook [Rasah] minta **MENTERI KERJA RAYA** menyatakan hasil kajian yang dilaksanakan oleh pihak Kementerian mengenai terma-terma perjanjian konsesi lebuhraya di seluruh negara dan apakah tindakan susulan daripada pihak Kementerian selepas perjanjian-perjanjian konsesi dibuka untuk tatapan orang ramai.
61. PR-1221-L17750
Dr. Siti Mariah Binti Mahmud [Kota Raja] minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh manakah kerjasama Kementerian dengan penasihat khas YAB. Perdana Menteri mengenai hal ehwal wanita dan apakah perancangan-perancangan bersama yang telah dipersetujui dan dilaksanakan untuk menjayakan visi dan misi pembangunan wanita Malaysia.
62. PR-1221-L16729
Tuan Chow Kon Yeow [Tanjong] minta **MENTERI PERPADUAN, KEBUDAYAAN, KESENIAN DAN WARISAN** menyatakan adakah Kerajaan Persekutuan akan menyalurkan peruntukan untuk membolehkan negeri Pulau Pinang melaksanakan pelan pengurusan Tapak Warisan Sedunia UNESCO.
63. PR-1221-L17482
Tuan Manogaran a/l Marimuthu [Telok Intan] minta **PERDANA MENTERI** menyatakan adakah Kerajaan bercadang untuk menggubal undang-undang untuk menjaga kepentingan hak-hak kaum minoriti di Malaysia.
64. PR-1221-L17903
Tuan Chong Chieng Jen [Bandar Kuching] minta **MENTERI KESIHATAN** menyatakan apakah langkah yang telah dan akan diambil oleh Kerajaan untuk mengatasi masalah kekurangan doktor-doktor dan kakitangan perubatan di Sarawak.
65. PR-1221-L17280
Dato' Haji Ab. Halim Bin Ab. Rahman [Pengkalan Chepa] minta **MENTERI SUMBER ASLI DAN ALAM SEKITAR** menyatakan kajian untuk pembinaan Empangan Lebir dan Galas yang merangkumi lebih 13,000 kilometer persegi. Berapakah jumlah kawasan FELDA, KESEDAR, FELCRA dan RISDA yang akan tenggelam atau terjejas dengan projek jika diteruskan.

66. PR-1221-L17400
Tuan Zulkifli bin Noordin [Kulim Bandar Baru] minta **MENTERI PENGAJIAN TINGGI** menyatakan :-
- (a) berapakah jumlah pelajar Kolej Masterskill mengikut pecahan pengajian dan kaum; dan
 - (b) berapakah jumlah pelajarinya yang mendapat bantuan PTPTN dan berapakah amaun yang telah dibayar kepada pihak Kolej Masterskill dan senaraikan butir-butir aduan yang telah dibuat terhadap kolej ini dan apakah tindakan yang telah diambil.
67. PR-1221-L18157
Tuan Muhammad bin Husain [Pasir Puteh] minta **MENTERI PERUMAHAN DAN KERAJAAN TEMPATAN** menyatakan jenis-jenis projek Kerajaan Persekutuan yang diberikan kepada pihak berkuasa tempatan di seluruh negara.
68. PR-1221-L17804
Tuan Karpal Singh [Bukit Gelugor] minta **PERDANA MENTERI** menyatakan sama ada Kerajaan bercadang menjadikan zina satu kesalahan jenayah seperti dalam negara India dan Korea Selatan memandangkan zina mendatangkan banyak kesan sosial yang negatif. Sekiranya tidak, sila nyatakan sebab-sebabnya.
69. PR-1221-L17628
Dato' Kamarudin Bin Jaffar [Tumpat] minta **PERDANA MENTERI** menyatakan adakah Kerajaan bercadang untuk membatalkan dasar penswastan KTM dan sebaliknya memilik Kerajaannya semula semua operasi pengangkutan rel dalam negara ini.
70. PR-1221-L17839
Tuan Amran bin Ab Ghani [Tanah Merah] minta **PERDANA MENTERI** menyatakan kerusi manakah yang akan disediakan dalam Dewan Rakyat kepada YB Kepala Batas apabila beliau melepaskan jawatan sebagai Perdana Menteri.
71. PR-1221-L16863
Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan jumlah tenaga polis dalam 'man-hours' yang digunakan untuk mengawal dan menghalang kempen berbasikal oleh Kumpulan JERIT bulan Disember yang lalu. Adakah penumpuan masa ini wajar memandangkan kadar jenayah yang tinggi di kalangan masyarakat kita.

72. PR-1221-L16730
Tuan Chow Kon Yeow [Tanjong] minta **MENTERI SUMBER ASLI DAN ALAM SEKITAR** menyatakan tindakan-tindakan Kementerian untuk membersihkan sungai-sungai dan membawa pembangunan yang mampan di sekeliling sungai-sungai di seluruh negara.
73. PR-1221-L17722
Dr. Hiew King Cheu [Kota Kinabalu] minta **MENTERI PERTANIAN DAN INDUSTRI ASAS TANI** menyatakan subsidi beras yang dijual RM1.80 se/kg dalam pasaran, kekurangan dan harga yang tidak tetap bagi subsidi beras akan menyebabkan masalah serius untuk keluarga miskin, serta apakah langkah yang akan diambil untuk menangani masalah ini.
74. PR-1221-L18205
Puan Hajah Fuziah binti Salleh [Kuantan] minta **PERDANA MENTERI** menyatakan apakah dasar dan prosedur yang digunakan di dalam pembahagian persempadanan semula kawasan-kawasan Parlimen.
75. PR-1221-L17078
Tuan Jeff Ooi Chuan Aun [Jelutong] minta **MENTERI TENAGA, AIR DAN KOMUNIKASI** menyatakan kenapa spektrum 2.5Ghz yang diagihkan kepada Maxis, Airzed dan Nasioncomm tidak ditarik balik kerana ketiga-tiga pelesen SKMM ini telah gagal melaksanakan "roll-out programme" masing-masing seperti yang disyaratkan.
76. PR-1221-L17545
Tuan Mohd. Nasir bin Zakaria [Padang Terap] minta **MENTERI DALAM NEGERI** menyatakan jumlah kes yang melibatkan penipuan Kad Pengenalan sejak daripada tahun 1995 sehingga 2008. Nyatakan kes mengikut tahun dan tindakan yang telah diambil.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Dato' Razali bin Haji Ibrahim [Muar] dan masalah dicadangkan:-**

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbilang-bilang syukur dan menjunjung kasih kerana Titah Ucapan Tuanku semasa membuka Penggal Kedua Parlimen Yang Kedua Belas.”

Menyambung semula Perbahasan atas masalah (3 Mac 2009)

2.	(D.R. 31/2008)	Rang Undang-undang Perlindungan Saksi 2008.	Bacaan Kali Yang Kedua
3.	(D.R. 30/2008)	Rang Undang-undang Jawatankuasa Etika Hakim 2008.	“
4.	(D.R. 14/2008)	Rang Undang-undang Institusi Pendidikan Tinggi Swasta (Pindaan) 2008.	“
5.	(D.R. 15/2008)	Rang Undang-undang Latihan Khidmat Negara (Pindaan) 2008.	“
6.	(D.R. 19/2008)	Rang Undang-undang Lembaga Hasil Dalam Negeri Malaysia (Pindaan) 2008.	“
7.	(D.R. 28/2008)	Rang Undang-undang Kanun Tatacara Jenayah (Pindaan) 2008	“
8.	(D.R. 18/2008)	Rang Undang-undang Orang-orang Papa (Pindaan) 2008.	“
9.	(D.R. 20/2008)	Rang Undang-undang Makanan Haiwan 2008.	“
10.	(D.R. 26/2008)	Rang Undang-undang Pengangkutan Jalan (Pindaan) 2008.	“

11. (D.R. 29/2008) Rang Undang-undang Bank Kerjasama Rakyat Malaysia Berhad (Peruntukan Khas) (Pindaan) 2008. “
12. (D.R. 13/2008) Rang Undang-undang Identifikasi Asid Deoksiribonukleik (DNA) 2008 – **Pertimbangan dalam Jawatankuasa sebuah-buah Majlis (28 Ogos 2008)**
13. **Menteri Kewangan** akan mencadangkan:-
- “Bahawa Dewan ini, mengikut peruntukan subperenggan 8 (3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan menukarkan pinjaman Kerajaan Persekutuan sebanyak RM30 juta kepada Kumpulan Modal Perdana Sdn. Bhd. (KMPSB), suatu syarikat yang dimiliki oleh Menteri Kewangan (Diperbadankan) kepada ekuiti.”
14. PR-1221-U16540
Datuk Dr. Marcus Mojigoh [Putatan] akan mencadangkan:-
- "Bahawa Dewan ini, mengambil maklum bahawa fenomena pemanasan dunia (Global Warming) sejak akhir-akhir ini telah menjadi begitu serius dan negara Malaysia tidak terkecuali daripada hambatan fenomena ini. Dan mengambil maklum bahawa sejak beberapa tahun kebelakangan ini, keadaan cuaca negara kita tidak lagi menentu di mana hujan dan panas tidak lagi bermusim. Keadaan ini telah menyebabkan kejadian banjir kilat, tanah runtuh dan banyak lagi kemusnahan alam sekitar yang lain. Dan mengambil maklum bahawa, kesan pemanasan dunia ini telah menyebabkan suhu air laut meningkat yang mana menyebabkan paras air laut meningkat dan kemusnahan terumbu-terumbu karang yang dahulunya menjadi sarang pembiakan hidupan marin. Dan mengambil maklum bahawa akhir-akhir ini, akibat daripada fenomena ini, ramai jiwa yang tidak berdosa juga turut terkorban. Maka, dengan ini hendaklah mengambil ketetapan untuk meminta Kerajaan untuk mengambil peranan secara aktif dan mengerahkan semua jentera Kerajaan untuk meminda dan menguatkuasakan undang-undang, sama ada yang sedia ada atau pun yang bakal dipinda, supaya mana-mana aktiviti yang boleh menyebabkan kemusnahan alam ini dapat dibendung atau dikurangkan ke tahap minima."
- (Menteri Sumber Asli dan Alam Sekitar)**

15. PR-1221-U16550
Datuk Dr. Marcus Mojigoh [Putatan] akan mencadangkan:-

"Bahawa Dewan ini, mengambil maklum bahawa sejak akhir-akhir ini, negara Malaysia mula dipengaruhi dengan masalah polarisasi kaum. Dan mengambil maklum bahawa sekiranya polarisasi kaum ini tidak dibendung sekarang, negara akan terjunam ke kancah ketegangan dan perpecahan kaum. Dan mengambil maklum bahawa peranan untuk mengharmonikan hubungan antara kaum di negara ini boleh dipupuk dengan berbagai cara termasuklah peranan oleh Kerajaan badan-badan bukan Kerajaan, badan-badan keagamaan dan sebagainya. Dan mengambil maklum juga bahawa usaha Kerajaan dalam menangani masalah ini boleh dipanjangkan lagi kepada badan-badan yang dimaksudkan di atas. Dan mengambil maklum juga bahawa syarikat-syarikat termasuklah agensi-agensi Kerajaan atau para majikan juga boleh memainkan peranan yang penting ke arah keharmonian kaum di negara ini, di mana sekiranya para majikan menyediakan kuota bagi pengambilan pekerja mereka di semua peringkat. Maka dengan ini dewan hendaklah mengambil ketetapan untuk meminta Kerajaan untuk membuat dasar-dasar atau akta meminta badan-badan yang disebutkan di atas untuk memainkan peranan dalam usaha ini dan dalam pada yang sama Kerajaan hendaklah memberikan mereka dana yang secukupnya bagi maksud ini. Maka dengan ini dewan ini hendaklah juga mengambil ketetapan untuk meminta dan memastikan majikan untuk mengamalkan pengambilan pekerja menurut pecahan kaum di negara ini."

(Menteri Perpaduan, Kebudayaan, Kesenian dan Warisan)

16. **Tuan Karpal Singh (Bukit Gelugor)** akan mencadangkan :-

'Bahawa Dewan ini membincangkan kelakuan Tan Sri Zaki Tun Azmi, Ketua Hakim Negara Malaysia, dalam menyatakan tanpa sebarang syarat di Kuching pada 7hb November, 2008 bahawa apabila beliau merupakan seorang pengamal undang-undang pada tahun 1987, antara lain yang berikut:

"It took me six months to be nice, to bribe each and every individual to get back into their good books before our files were attended to. That was my personal experience and I am telling this to all clerks and all the registries to stop this nonsense."

dan kemudian menjelaskan [pada 8hb November, 2008, berkenaan laporan dalam akhbar NST bertarikh 8hb November, 2008 yang menerbitkan kata-kata di atas] seperti berikut:

"I refer to your report on page 4 of the NST headlined, "Stop it now, corrupt court staff warned. "

Your reporter must have interpreted what I said, which is that during that period there was corruption in order to get things done at the court registry, as myself having done it.”

Yang mana adalah jelas merupakan satu penipuan yang mengakibatkan keseluruhan badan kehakiman yang diketuai oleh beliau mendapat nama buruk.

Dan Dewan ini mengambil notis, bahawa Surat Terbuka bertarikh 16hb Disember 2008 oleh YB. Ahli Parlimen kawasan Bukit Gelugor telah memanggil kepada Tan Sri Zaki Tun Azmi untuk meletak jawatan sebagai Ketua Hakim, Malaysia atas alasan bahawa beliau telah mengakui secara umum bahawa beliau telah melakukan rasuah pada tahun 1987 tetapi sehingga kini YB. Ahli Parlimen kawasan Bukit Gelugor masih belum menerima sebarang maklum balas daripada beliau dan ini jelas menunjukkan bahawa Tan Sri Zaki Tun Azmi mengakui diri beliau adalah korup.

Dan Dewan ini memanggil Perdana Menteri untuk mengguna pakai peruntukan Perkara 125(3), Perlembagaan Persekutuan bagi tujuan merujuk Tan Sri Zaki Tun Azmi kepada satu Tribunal berdasarkan fasal 4 untuk memecat Tan Sri Zaki Tun Azmi daripada jawatan sebagai Ketua Hakim Negara atas alasan salah laku di mana beliau telah menipu secara umum.

Dan bahawa Tan Sri Zaki Tun Azmi adalah digantung kerja sebagai Ketua Hakim Negara sementara menunggu suatu laporan daripada Tribunal tersebut di bawah klausa 3.

Ahli-ahli yang Berhormat yang turut mengusulkan:-

- 2) YB Tuan Lim Kit Siang (Ipoh Timur)
- 3) YB Tuan Lim Guan Eng (Bagan)
- 4) YB Puan Chong Eng (Bukit Mertajam)
- 5) YB Tuan Tan Kok Wai (Cheras)
- 6) YB Tuan Chow Kon Yeow (Tanjong)
- 7) YB Tuan Fong Kui Lun (Bukit Bintang)
- 8) YB Tuan Kulasegaran a/l Murugeson (Ipoh Barat)
- 9) YB. Dr. Ramasamy a/l Palanisamy (Batu Kawan)
- 10) YB Puan Teresa Kok Suh Sim (Seputeh)

- 11) YB Dato' Ngeh Koo Ham (Beruas)
- 12) YB Tuan Nga Kor Ming (Taiping)
- 13) YB Tuan Chong Chieng Jen (Bandar Kuching)
- 14) YB Puan Teo Nie Ching (Serdang)
- 15) YB Puan Fong Po Kuan (Batu Gajah)
- 16) YB Tuan Sim Tong Him (Kota Melaka)
- 17) YB Tuan Manogaran a/l Marimuthu (Telok Intan)
- 18) YB Dr. Charles Santiago (Klang)
- 19) YB Tuan Jef Ooi Chuan Aun (Jelutong)
- 20) YB Tuan Loke Siew Fook (Rasah)
- 21) YB Tuan Er Teck Hwa (Bakri)
- 22) YB Dr. Tan Seng Giaw (Kepong)
- 23) YB Tuan Mohamed Azmin bin Ali (Gombak)
- 24) YB Tan Sri Dato' Khalid bin Ibrahim (Bandar Tun Razak)
- 25) YB Tuan Tony Pua Kiam Wee (Petaling Jaya Utara)
- 26) YB Tuan Gobalakrisnan a/l Nagapan (Padang Serai)
- 27) YB Tuan Zulkifli bin Nordin (Kulim Bandar Baharu)
- 28) YB Dato' Seri Anwar Bin Ibrahim (Permatang Pauh)
- 29) YB Tuan William Leong Jee Keen (Selayang)
- 30) YB Tuan Chua Tian Chang (Batu)
- 31) YB Puan Hajah Zuraida Binti Kamaruddin (Ampang)
- 32) YB Dato' Johari Abdul (Sg. Petani)
- 33) YB Dato' Dr. Zainal Abidin Ahmad (Hulu Selangor)
- 34) YB Dato' Kamarul Baharin bin Abbas (Telok Kemang)

- 35) YB Puan Nurul Izzah Binti Anwar (Lembah Pantai)
- 36) YB Tuan Abdullah Sani Bin Abdul Hamid (Kuala Langat)
- 37) YB Tuan Mohd. Yusmadi Bin Mohd. Yusoff (Balik Pulau)
- 38) YB Tuan Haji Nasharudin Bin Mat Isa (Bachok)
- 39) YB Dato' Kamaruddin bin Jaffar (Tumpat)
- 40) YB Dato' Haji Wan Abd. Rahim Bin Wan Abdullah
(Kota Bharu)
- 41) YB Dr. Mohd. Hatta Bin Md. Ramli (Kuala Krai)
- 42) YB Dr. Lo' Lo' binti Haji Mohamed Ghazali (Titiwangsa)
- 43) YB Dato' Seri Haji Abdul Hadi Bin Awang (Marang)
- 44) YB Dato' Haji Ab. Halim Bin Ab. Rahman (Pengkalan Chepa)
- 45) YB Dr. Dzulkefly Bin Ahmad (Kuala Selangor)
- 46) YB Dr. Siti Mariah Binti Mahmud (Kota Raja)
- 47) YB Puan Siti Zailah binti Mohd Yusof (Rantau Panjang)
- 48) YB Tuan Azan Bin Ismail (Indera Mahkota)
- 49) YB Tuan Hee Loy Sian (Petaling Jaya Selatan)
- 50) YB Dato' Rashid Bin Din (Merbok)
- 51) YB Dr. Hiew King Cheu (Kota Kinabalu)
- 52) YB Tuan Haji Ahmad Bin Kasim (Kuala Kedah)
- 53) YB Dr. Haji Mohd. Hayati Bin Othman (Pendang)
- 54) YB Tuan Liew Chin Tong (Bukit Bendera)
- 55) YB Tuan Lim Lip Eng (Segambut)
- 56) YB Tuan Haji Taib Azamudden Bin Md. Taib (Baling)
- 57) YB Dr. Mujahid Bin Yusof Rawa (Parit Buntar)
- 58) YB. Tuan Muhamad bin Husain (Pasir Putih)

59) YB. Dr. Che Rosli bin Che Mat (Hulu Langat)

60) YB. Tuan Mohd Nasir Bin Zakaria (Padang Terap)

61) YB. Tuan Mohd. Firdaus Bin Jaafar (Jerai)

62) YB. Tuan Che Uda bin Che Nik (Sik)

(Perdana Menteri)

17. PR-1221-U16591

Datuk Dr. Marcus Mojigoh [Putatan] akan mencadangkan:-

"Bahawa dewan ini mengambil maklum bahawa sejak akhir-akhir ini terdapat rungutan para majikan terutama sekali dalam sektor industri tani, perladangan dan pembuatan bahawa mereka terpaksa mengambil atau mengimport tenaga kerja daripada negara luar kerana ketiadaan tenaga kerja dari negara ini. Dan mengambil maklum bahawa dengan kebanjiran tenaga kerja dari luar negara ini, banyak masalah sosial yang timbul selain daripada masalah ketenteraman awam. Selain itu tukaran asing negara juga turut terlibat dengan pemindahan wang yang berjumlah berjuta-juta ringgit sebulan setiap kali mereka mengirinkan wang ke negara asal mereka. Dan mengambil maklum bahawa terdapat ramai kanak-kanak yang tidak bernegara (stateless kids) pemegang IMM13 dan mereka yang diberikan status penduduk tetap di negeri Sabah dan juga negara Malaysia. Mereka ini merupakan sumber tenaga buruh yang sedia ada di negara ini dan kebanyakan mereka ini tidak lagi bercadang untuk kembali ke negara asal mereka dan sekali gus tukaran asing negara tidak terjejas kerana tidak ada kiriman wang yang dibuat. Maka dengan ini dewan hendaklah mengambil ketetapan untuk meminta Kerajaan untuk menyediakan latihan vokasional kepada mereka yang dimaksudkan di atas bagi membolehkan mereka bekerja di negara ini dan sekali gus dapat mengurangkan kebergantungan negara kepada sumber tenaga kerja asing."

(Menteri Sumber Manusia)

18. PR-1221-U16629

Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini meminta Kerajaan Malaysia memberi peluang kepada masyarakat India dan Cina menjawat jawatan di sektor perkhidmatan awam secara beramai-ramai."

(Perdana Menteri)

19. PR-1221-U16630
Dr. Ramasamy a/l Palanisamy [Batu Kawan] akan mencadangkan:-

"Bahawa Dewan ini meminta Kerajaan Malaysia untuk membina Sekolah-sekolah Menengah Jenis Kebangsaan Tamil di negeri-negeri di Semenanjung Malaysia demi memenuhi keperluan masyarakat India."

(Menteri Pelajaran)

20. PR-1221-U16698
Dr. Che Rosli bin Che Mat [Hulu Langat] akan mencadangkan:-

"Bahawa Dewan ini mendesak supaya Kerajaan mengenal pasti dan merancang satu sistem pelupusan sisa pepejal yang terbaik, bersepadu dan mesra alam dalam kadar seberapa segera mungkin bagi membolehkan sisa pepejal dapat di kitar semula sehingga lebih 70% supaya boleh ditukar dalam berbagai produk termasuk penjaan tenaga dan 30% sisa organik lain boleh dijadikan baja kompos setelah disimpan hanya beberapa bulan di tapak pelupusan sanitari. Cadangan ini dibuat memandangkan hampir semua negeri-negeri di seluruh negara mengalami masalah kekurangan tapak pelupusan sisa pepejal yang kemudian berkait dengan jadual kutipan sisa pepejal dan status kebersihan sekitar. Dalam masa yang sama usaha gigih perlu dibuat dalam melatih dan mendisiplinkan masyarakat melaksanakan sistem kitar semula sebagaimana yang dilaksanakan dalam negara maju bagi memudahkan pengurusan sisa pepejal di masa akan datang."

(Menteri Perumahan dan Kerajaan Tempatan)

21. PR-1221-U16702
Dr. Che Rosli bin Che Mat [Hulu Langat] akan mencadangkan:-

"Bahawa Dewan ini meminta supaya Pengajaran/Pembelajaran Sains dan Matematik (PPSM) terutama peringkat rendah sudah sampai masa di tukar balik pengajarannya dalam Bahasa Ibunda masing-masing memandangkan tahap pencapaian pelajar selepas satu kohot jelas kurang memuaskan terutama bagi pelajar luar bandar (Desa). PPSMI yang dilaksanakan sejak September 2002 adalah bertentangan dengan Dasar Kebangsaan, Akta Pendidikan 1961/1986/1996, Penyata Rahman Talib, 1960, Penyata Razak, 1956 serta akta-akta lain termasuk Akta Dewan Bahasa dan Pustaka (DBP). Oleh itu kita perlu kembali kepada dasar yang betul iaitu Dasar Pelajaran Kebangsaan yang dibuat oleh Kerajaan sendiri."

(Menteri Pelajaran)

22. PR-1221-U16704

Dr. Che Rosli bin Che Mat [Hulu Langat] akan mencadangkan:-

"Bahawa Dewan ini mendesak supaya Kerajaan membina banyak lagi empangan di hulu sungai bagi membantu mendapatkan bekalan air bersih tanpa pencemaran yang tinggi sebagaimana amalan sekarang di mana punca air diambil dari sungai yang sudah tercemar."

(Menteri Sumber Asli dan Alam Sekitar)

23. PR-1221-U16710

Dr. Che Rosli bin Che Mat [Hulu Langat] akan mencadangkan:-

"Bahawa Dewan ini mendesak Kerajaan Malaysia supaya tidak membazir wang yang banyak dalam menyediakan Pasukan Keselamatan yang terlalu ramai bagi menjaga keselamatan dalam mana-mana pilihan raya kecil bagi memastikan demokrasi berjalan lancar kerana rakyat makin matang dan bersedia mematuhi peraturan yang ditetapkan oleh pihak keselamatan apabila ruang dan peluang yang sama dan adil diberi kepada parti-parti yang bertanding. Sebaliknya bilangan Pasukan Keselamatan yang terlalu ramai boleh mewujudkan suasana tegang, tidak selesa dan risau kepada pengundi."

(Menteri Dalam Negeri)

24. PR-1221-U16788

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini mendesak Kerajaan untuk mengambil pendirian mengenai kezaliman yang sedang berlaku di Negara Palestin dan Sri Lanka yang tidak menghormati hak asasi manusia sehingga membunuh beribu-ribu nyawa yang tidak bersalah."

(Menteri Luar Negeri)

25. PR-1221-U16790

Tuan Kulasegaran A/L Murugeson [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan harus mengubahsuaikan cara koordinasi yang baru melalui penubuhan satu suruhanjaya untuk memantau kemajuan sekolah SK, SJK(C) dan SJK(T) serta pengambilan guru-guru tetap di sekolah-sekolah ini secara seimbang."

(Menteri Pelajaran)

26. PR-1221-U16990
Dr. Tan Seng Giaw [Kepong] akan mencadangkan:-

"Bahawa Dewan ini membahaskan setakat mana Pasukan Polis Diraja berjaya melaksanakan syor-syor Laporan Suruhanjaya Diraja, pengambilan rekrut untuk mencapai bilangan 150,000 anggota dan keberkesanan untuk menjaga keselamatan di seluruh negara."

(Menteri Dalam Negeri)

27. PR-1221-U16991
Dr. Tan Seng Giaw [Kepong] akan mencadangkan:-

"Bahawa Dewan ini mendebatkan langkah-langkah yang sedang diambil oleh Kerajaan untuk menghadapi tsunami kewangan termasuk sebab musabab harga diesel, gas dan petrol tidak boleh diturunkan lagi."

(Menteri Perdagangan Dalam Negeri dan Hal Ehwal Pengguna)

28. PR-1221-U17074
Tuan Gwo-Burne Loh [Kelana Jaya] akan mencadangkan:-

"Bahawa Dewan ini mengambil maklum bahawa Kerajaan Malaysia sebagai anggota Majlis Hak Asasi Manusia Bangsa-Bangsa Bersatu dalam menguatkuasakan Resolusi 62/149 Bangsa-Bangsa Bersatu mengenai Moratorium terhadap Hukuman Mati yang telah dikuatkuasakan oleh Perhimpunan Agong Bangsa-Bangsa Bersatu pada 18 Disember 2007 di mana negara-negara yang masih mengamalkan hukuman mati diminta untuk menghentikan penggunaan hukuman mati dan mengurangkan jumlah hukuman-hukuman yang membawa hukuman mati secara berperingkat dan melaksanakan moratorium terhadap kesemua hukuman-hukuman mati dengan hasrat untuk menghapuskan hukuman ini sama sekali. Maka dengan ini Dewan hendaklah mengambil ketetapan untuk meminta Kerajaan melalui Kementerian Luar untuk membantu mematuhi Moratorium tersebut dan meminda undang-undang yang bercanggah dengan Moratorium tersebut."

(Menteri Luar Negeri)

29. PR-1221-U17085
Tuan Gwo-Burne Loh [Kelana Jaya] akan mencadangkan:-

"Bahawa bekas Menteri Luar Negeri (1999), Datuk Seri Syed Hamid bin Syed Jaafar Albar dikenakan tindakan di bawah Peraturan Tetap 13(2) dan dibawa ke Jawatankuasa Disiplin kerana berbohong di Dewan Rakyat yang mulia pada 15 Julai 1999. Pada hari tersebut ketika membentangkan Rang Undang-undang Suruhanjaya Hak Asasi Manusia 1999 yang dirujuk di dalam Hansard Jilid V, Bil. 24, 15 Julai 1999, p.67 berkata:-Tuan Yang di-Pertua, saya ingin menekankan bahawa akta Suruhanjaya ini memenuhi Prinsip-prinsip Paris, Perisytiharan Hak Asasi Manusia Sejagat juga telah diberi perhatian selaras dengan Perlembagaan Persekutuan. Menurut laporan dan cadangan International Coordinating Committee (ICC) bertarikh 21 April 2008 di Geneva, penggubalan Akta Suruhanjaya Hak Asasi Manusia 1999 tidak berlandaskan kepada Prinsip Paris sehingga kedudukan Malaysia mungkin diturunkan dari "A" kepada "B".

(Perdana Menteri)

30. PR-1221-U17179
Datuk Eric Enchin Majimbun [Sepanggar] akan mencadangkan:-

" Bahawa Dewan dengan ini memutuskan agar setiap penduduk di Sabah yang telah dan sedang mendaftar sebagai Daftar Lewat Sijil Kelahiran yang terkandung dalam Undang-undang Pendaftaran Sijil Kelahiran juga mengguna pakai Ordinan Kelahiran Sabah, Cap 123 tahun 1953 yang disatukan sebagai undang-undang sewaktu pembentukan negara Malaysia pada 16 September 1963 dalam Akta Pendaftaran Kelahiran."

(Menteri Dalam Negeri)

31. PR-1221-U17183
Datuk Eric Enchin Majimbun [Sepanggar] akan mencadangkan:-

"Bahawa Dewan dengan ini menetapkan untuk membincang berkaitan tarikh pembentukan negara Malaysia agar perkara ini tidak lagi dipertikaikan dan tarikh tersebut dapat dicatatkan ke dalam rekod Kerajaan dan dapat dicetak ke dalam buku sejarah yang diguna dalam pendidikan sejarah di sekolah-sekolah dan pengajian tinggi."

(Menteri Perpaduan, Kebudayaan, Kesenian dan Warisan)

32. PR-1221-U17188
Datuk Eric Enchin Majimbun [Sepanggar] akan mencadangkan:-
- " Bahawa Dewan dengan ini dapat membincang dengan seriusnya mengenai kedudukan Cabotage Policy agar polisi ini tidak mengetepikan hak rakyat Sabah dalam pengangkutan perkapalan laut serta tidak membezakan harga barangan seharian bagi Semenanjung dan Sabah / Sarawak."
- (Menteri Pengangkutan)**
33. PR-1221-U17960
Tuan Chua Tian Chang [Batu] akan mencadangkan:-
- "Bahawa Dewan ini mendesak pihak Kerajaan harus menghapuskan Akta Keselamatan Dalam Negeri (ISA) dengan segera. Ini dapat dijelaskan melalui SUHAKAM. SUHAKAM menyatakan bahawa ISA menahan seseorang tanpa bicara bertentangan dengan deklarasi Hak Asasi Manusia. Dalam laporan dan kajian SUHAKAM mencadangkan agar akta zalim itu dimansuhkan sepertimana hasil kajian yang telah dihantar kepada Kerajaan sejak tahun 2003."
- (Perdana Menteri)**
34. PR-1221-U17966
Tuan Chua Tian Chang [Batu] akan mencadangkan:-
- "Bahawa Dewan ini meminta Kerajaan membahaskan dan memindahkan Akta Suruhanjaya Hak Asasi Manusia 1999 (Akta 597) sepertimana ditegaskan oleh The International Coordinating Committee (ICC) bahawa beberapa perkara tidak jelas dan mematuhi prinsip-prinsip Paris dan kemungkinan diturunkan dari status A ke B. Berdasarkan pemerhatian oleh ICC, SUHAKAM diberi tempoh sehingga April 2009 sahaja dan Kerajaan harus memberi perhatian serius untuk mempertahankan status SUHAKAM."
- (Perdana Menteri)**
35. PR-1221-U18080
Puan Teresa Kok Suh Sim [Seputeh] akan mencadangkan:-
- "Bahawa dewan ini mengambil keputusan untuk membenarkan siaran langsung Dewan Rakyat melalui televisyen supaya rakyat boleh menonton ucapan para Ahli Yang Berhormat dan proses Dewan Rakyat membuat keputusan terhadap dasar dan undang-undang negara."
- (Menteri Penerangan)**

36. PR-1221-U18084
Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk memulihkan Pilihan Raya Kerajaan Tempatan demi menjadikan perkhidmatan Kerajaan Tempatan di negara kita lebih berkesan di samping memulangkan hak kepada rakyat untuk memilih Datuk Bandar dan Ahli Majlis Kerajaan Tempatan."

(Menteri Perumahan dan Kerajaan Tempatan)

37. PR-1221-U18087
Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mendesak Kerajaan untuk melaksanakan kempen kitar semula dan kempen pengurangan penggunaan plastik dengan lebih gigih demi memelihara kebersihan alam sekitar."

(Menteri Perumahan dan Kerajaan Tempatan)

38. PR-1221-U18090
Puan Teresa Kok Suh Sim [Seputeh] akan mencadangkan:-

"Bahawa Dewan ini mengambil keputusan untuk mengembalikan Akta Perkhidmatan Parlimen yang telah dimansuhkan pada tahun 1993 sebagai langkah untuk menjadikan Parlimen Malaysia sebagai Parlimen Dunia Pertama."

(Perdana Menteri)

39. PR-1221-U18093
Puan Teresa Kok Suh Sim [Seputeh] akan mencadangkan:-

"Bahawa Dewan ini menyokong cadangan Suruhanjaya DiRaja Penambahbaikan Perjalanan dan Pengurusan PDRM dan YAB. Perdana Menteri untuk menubuhkan Suruhanjaya Bebas dan Salah Laku Polis (IPCMC)."

(Perdana Menteri)

40. PR-1221-U18211

Tuan Liew Chin Tong [Bukit Bendera] akan mencadangkan:-

"Bahawa Dewan ini menetapkan sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti dibentangkan kepada Panel Penilaian Bebas untuk dinilai dan diaudit oleh Jabatan Audit Negara, kemudian dibahaskan dalam Parlimen, demi mempertingkatkan integriti dan keberkesanan jangka panjang pembelian sistem pertahanan. Ini adalah berikutan dari kes prosiding Jawatankuasa Kira-Kira Wang Negara mengenai pembelian 12 unit EC-725 telah mendatangkan kesan positif dalam menjelaskan proses pembelian aset pertahanan kepada rakyat umum."

(Menteri Pertahanan)

41. **Tuan Zulkifli bin Noordin [Kulim Bandar Baharu]** akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 3 Perlembagaan Persekutuan dipinda dengan menambah perkataan seperti berikut (seperti yang dihitamkan):-

'Islam adalah agama bagi Persekutuan **termasuk dari segi undang-undang dan syariatnya**'.

(Perdana Menteri)

42. **Tuan Zulkifli bin Noordin [Kulim Bandar Baharu]** akan mencadangkan:-

"Bahawa Dewan ini mengambil ketetapan agar Kerajaan Persekutuan mengambil langkah supaya Artikel 4 Perlembagaan Persekutuan dipinda dengan menambah perkataan seperti berikut (seperti yang dihitamkan):-

'Perlembagaan ini adalah undang-undang utama Persekutuan dan, **kecuali undang-undang dan syariat Islam**, apa-apa undang-undang yang diluluskan berlawanan dengan Perlembagaan ini hendaklah terbatal setakat ia berlawanan itu'.

(Perdana Menteri)

43. **Tuan Zulkifli bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan agar Kerajaan Persekutuan mengambil langkah supaya Artikel 11 (1) Perlembagaan Persekutuan dipinda dengan menambah perkataan seperti berikut (seperti yang dihitamkan):-

‘Tiap-tiap orang adalah berhak menganuti dan mengamalkan agamanya, termasuk menukar agamanya kecuali bagi penganut agama Islam yang hendaklah tertakluk kepada undang-undang dan syariat Islam.

Bagi maksud penganut agama Islam, soal kemasukan dan kemurtadan dari agama Islam hendaklah ditentukan oleh Mahkamah Syariah yang mempunyai bidang kuasa mutlak ke atasnya’.

(Perdana Menteri)

44. **Tuan Zulkifli bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan agar Kerajaan mengambil langkah supaya Jadual 9 Senarai 2 (1) Perlembagaan Persekutuan dipinda dengan membuang perkataan seperti berikut:-

‘tetapi tidak mempunyai bidang kuasa mengenai kesalahan-kesalahan kecuali setakat yang diberi oleh undang-undang persekutuan’ dan diganti dengan perkataan berikut:-

‘dan mempunyai bidang kuasa mengenai apa-apa jua kesalahan jenayah syarie dan lain-lain yang ditetapkan atau diperuntukkan di dalam hukum syarak’ dan undang-undang Islam termasuk membicarakan, memutuskan dan menghukum mana-mana orang Islam yang berkenaan menurut sabitan dan hukuman yang ditetapkan oleh hukum syarak dan undang-undang Islam’.

Dan Akta Mahkamah Syariah (Bidang Kuasa Jenayah) 1965 hendaklah dipinda bersesuaian dengan pindaan kepada Jadual 9 Senarai 2 (1) Perlembagaan Persekutuan seperti yang dinyatakan di atas”.

(Perdana Menteri)

45. **Tuan Zulkifli bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan agar Kerajaan Persekutuan mengambil langkah memansuhkan dan menghapuskan semua amalan dan upacara bertafakur yang diadakan di hadapan Tugu Negara dan semua langkah yang berkesan dan efektif diambil agar anggota tentera, polis dan lain-lain anggota beruniform tidak dipaksa dan/atau diarah melakukan upacara dan amalan kawad hormat dan/atau bertafakur di hadapan Tugu Negara”.

(Menteri Dalam Negeri)

46. **Tuan Zulkifli bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Kerajaan Persekutuan dengan kerjasama semua Kerajaan Negeri supaya melantik seorang Mufti Negara sebagai Ketua bagi dan dengan kuasa dan autoriti mengatasi kesemua Mufti-mufti dan menjadi Pengerusi bagi Majlis Fatwa Kebangsaan dengan tanggungjawab dan menjawab hanya kepada Yang Dipertuan Agong dan Majlis Raja-raja”.

(Perdana Menteri)

47. **Tuan Zulkifli Bin Noordin [Kulim Bandar Baharu]** akan mencadangkan :-

“Bahawa Dewan ini mengambil langkah untuk menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan masalah Palestin dan menamakan badan ini sebagai ‘**Jawatankuasa Caucus bagi Palestin**’ dengan Perdana Menteri sendiri sebagai Pengerusi Caucus tersebut”.

(Menteri Luar Negeri)

48. **Tuan Zulkifli Bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Kerajaan Persekutuan supaya peruntukan pembangunan berjumlah RM1,000,000-00 dan lain peruntukan yang selama ini diberikan kepada Ahli Parlimen Barisan Nasional juga diberikan kepada kesemua Ahli Parlimen termasuk dari bukan Kerajaan menurut terma dan syarat sebagaimana yang diberikan kepada Ahli Parlimen Barisan Nasional”.

(Menteri Kewangan)

49. **Tuan Zulkifli Bin Noordin [Kulim Bandar Baharu]** akan mencadangkan :-

“Bahawa Dewan ini mengambil langkah untuk menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan hal ehwal Islam dalam negara ini dengan tujuan untuk memartabatkan, memperkukuhkan dan mempertahankan hal ehwal Islam dan menamakan badan ini sebagai ‘**Jawatankuasa Caucus bagi Hal Ehwal Islam**’ dengan Perdana Menteri sendiri sebagai Pengerusi Caucus tersebut”.

(Perdana Menteri)

50. **Tuan Zulkifli Bin Noordin [Kulim Bandar Baharu]** akan mencadangkan :-

“Bahawa Dewan ini mengambil langkah untuk menubuhkan sebuah jawatankuasa caucus khusus untuk menangani dan memantau dan mengambil langkah-langkah berkaitan dengan hal ehwal masyarakat India dengan tujuan untuk memantapkan kedudukan ekonomi mereka dan menyelesaikan permasalahan kewarganegaraan dan kad pengenalan mereka dan dinamakan sebagai ‘**Jawatankuasa Caucus bagi Hal Ehwal Masyarakat India**’ dengan Menteri Kewangan sebagai Pengerusi Caucus tersebut”.

(Menteri Kewangan)

51. **Tuan Zulkifli Bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Kementerian Pelajaran supaya dengan serta-merta memansuhkan pengajian mata pelajaran Sains dan Matematik dalam Bahasa Inggeris dan menggantikan ia dengan menggunakan Bahasa Melayu sebagai bahasa pengajian mata pelajaran tersebut”.

(Menteri Pelajaran)

52. **Tuan Zulkifli Bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Kerajaan Persekutuan supaya mengambil langkah menyiarkan dan mewajibkan siaran azan pada tiap-tiap waktu solat fardu yang lima di kesemua tempat awam tanpa sebarang sekatan dan atau halangan”.

(Menteri Penerangan)

53. **Tuan Zulkifli Bin Noordin [Kulim Bandar Baharu]** akan mencadangkan:-

“Bahawa Dewan ini mengambil langkah ketetapan mendesak Menteri Dalam Negeri mengambil langkah supaya kesemua banduan dan tahanan yang disabit dan dikenakan hukuman penjara sepanjang hayat hendaklah dikurangkan hukuman penjara tidak melebihi 20 (dua puluh tahun) dan bagi yang telah menjalani hukuman melebihi jumlah 20 tahun tersebut (setelah ditolak cuti dan kelakuan baik) hendaklah dibebaskan dengan serta-merta”.

(Menteri Dalam Negeri)

54. **Tuan Zulkifli Bin Noordin [Kulim Bandar Baharu]** akan mencadangkan:-

“Bahawa Dewan ini mengambil langkah mendesak Menteri Pengangkutan supaya mengarahkan dan / atau mengenakan syarat kepada syarikat penerbangan Air Asia supaya kakitangan wanitanya terutama pramugari hendaklah berpakaian yang lebih sopan sekurang-kurangnya seperti pramugari Penerbangan Malaysia”.

(Menteri Pengangkutan)

55. **Tuan Zulkifli Bin Noordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Menteri Pengangkutan supaya mengarahkan dan / atau mengenakan syarat kepada syarikat Penerbangan Malaysia dan Air Asia supaya membenarkan kakitangan wanitanya yang beragama Islam khususnya pramugari dibenarkan memakai tudung menurut yang ditetapkan oleh hukum syarak' dengan pakaian seragam yang bersesuaian sebagaimana yang telah pun dilaksanakan oleh banyak syarikat penerbangan antarabangsa lain seperti Saudi Air, Emirates Airways, Brunei Airline dan lain-lain”.

(Menteri Pengangkutan)

56. **Tuan Zulkifli Bin Nordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Menteri Pengangkutan melarang dan/atau mengenakan syarat kepada syarikat Penerbangan Malaysia supaya menghentikan penjualan arak dan lain-lain minuman keras sebagaimana yang memabukkan semasa di dalam penerbangan sebagaimana yang telah pun dilaksanakan oleh banyak syarikat penerbangan lain seperti Saudi Air, Emirates Airways, Brunei dan lain-lain”.

(Menteri Pengangkutan)

57. **Tuan Zulkifli Bin Nordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Menteri Perdagangan Dalam Negeri dan Hal Ehwal Pengguna melarang dan/ atau mengenakan syarat kepada syarikat perniagaan runcit Seven-Eleven (7-11) dilarang sama sekali daripada menjual arak dan/ atau apa-apa minuman keras yang memabukkan serta sebarang bentuk kondom di premisnya”.

(Menteri Perdagangan Dalam Negeri dan Hal Ehwal Pengguna)

58. **Tuan Zulkifli Bin Nordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Menteri Dalam Negeri supaya dengan segera mengambil langkah membebaskan semua tahanan Akta Keselamatan Dalam negeri yang ditahan kononnya atas dakwaan terlibat dengan kegiatan militan Islam seperti Kumpulan Mujahidin Malaysia (KMM), Jemaah Islam Malaysia (JI), Kumpulan Al-Maunah dan lain-lain jika pihak keselamatan mempunyai apa-apa bukti dan keterangan terhadap mereka hendaklah mereka dengan segera dibawa ke hadapan sebuah Mahkamah yang berbidang kuasa untuk membicarakan mereka tanpa sebarang kelengahan lagi”.

(Menteri Dalam Negeri)

59. **Tuan Zulkifli Bin Nordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Menteri Dalam Negeri supaya dengan segera mengambil langkah membebaskan semua tahanan Akta Keselamatan Dalam negeri yang ditahan kononnya atas dakwaan terlibat dengan kegiatan militan Hindu Hindraf dan jika pihak keselamatan mempunyai apa-apa bukti dan keterangan terhadap mereka hendaklah mereka dengan segera dibawa ke hadapan sebuah Mahkamah yang berbidang kuasa untuk membicarakan mereka tanpa sebarang kelengahan lagi”.

(Menteri Dalam Negeri)

60. **Tuan Zulkifli Bin Nordin [Kulim Bandar Baharu]** akan mencadangkan:-

“Bahawa Dewan ini mengambil ketetapan mendesak Menteri di Jabatan Perdana Menteri supaya mengkaji dan melaksanakan projek membesarkan dan membaik pulih Masjid Jame’ Bandaraya Kuala Lumpur termasuk membina mihrab dan mimbar baru yang bersesuaian, menurap keseluruhan tapak Masjid tersebut dengan marmar sebagaimana yang dibuat di Masjidil Haram dan Masjid Nabawi serta memperkukuhkan bumbung Masjid tersebut agar dapat menampung jemaah untuk mengerjakan solat terutamanya solat Jumaat dan kedua Aidilfitri dan Aidiladha memandangkan pertambahan jemaah yang semakin meningkat mutakhir ini”.

(Perdana Menteri)